

Jesu Lingoliloennng tsa Petrose



SABATHA MANTSIBOEA

Bakeng sa Thuto ea beke ena, bala:

1 Pet. 1:18, 19; Ba-Kol 1:13, 14; Esa. 53:1–12; Johanne 11:25; Pes. 18:50; 2 Pet. 1:1.

Temana ea Khopolo:

“Eena ea jereng libe tsa rōna ’meleng oa hae sefapanong, hore re shoe ka ’nga ea libe, re tle re phelele ho loka; eo le folisitsoeng ka matetsetso a hae” (1 Peter 2:24).

Joalo kaha re ithutile ho 1 Petrose, ho lokela ho hlaka ho fihlela ha joale hore ho sa natsoe maemo, le litaba tse khethehileng tseo a sebsanang le tsona, Petrose o ne a tsepame ho Jesu. Jesu o kaholimo o tsohle tseo a li ngolang; ke khoele ea khauta e rokeletsoeng lengolong. Ho tloha moleng oa pele, moo Petrose a reng ke “moapostola” (“ea romiloeng”) oa Jesu Kreste, ho fihlela oa ho qetela ha a ngola, “Khotso e be ho lōna bohle ba ho Jesu Kreste” (1 Pet. 5:14), Jesu ke sehloho sa hae sa mantlha. ’Me epistoleng ena o bua ka Jesu a re shoela e le sehlabelo sa rōna. O bua ka mahlomola a maholo ao Jesu a fetileng hara oona le ho sebelisa mohlala ao Jesu mahlomoleng ao e le oa ho etsisoa. O bua ka tsoho ea Jesu le seo e se boelang ho rōna. Hape, o bua ka Jesu e se feela mesia, Christos, “motlotsuoa,” empa ka Jesu e le Molimo. Ke hore, re bona ho 1 Petrose bopaki bo bongata ba molimo ba Jesu. E ne e le Molimo ka sebele, ea tlileng nameng ea ileng a phela le ho shoa e le hore re tle re be le tšepo le tšepiso ea bophelo bo sa feleng. Bekeng ena re tla khutlela morao ho 1 Petrose re shebele haufi seo e se senolang ka Jesu.

**Bala thutoea beke ena ho lokisetsa Sabatha, Motšeanong 20.*

Jesu, Sehlabelo sa Rōna

Sehloho se bohlokoa sa Bibe, hantle se bohlokoa ka ho fetisisa, ke sa tšebetso ea Molimo topollong ea batho ba oeleng. Ho tloha ho oeng ha Adama le Eva ho Genese ho isa ho oeng ha Babylona ho Tšenolo, mangolo ka tsela e itseng a senola tšebetso ea Molimo oa ho batla le ho pholosa “se timtseng” (Luka 19:10). 'Me sehloho sena se senoloa lengolong la Petrose hape.

Bala 1 Petrose 1:18, 19 le Ba-Kolose 1:13, 14. Ho bolela eng ho lopolloa, 'me mali a kena-kenana joang le topollo?

1 Petrose 1:18, 19 e hlalosa bohlokoa ba lefu la Jesu ka tsela ena: “Le ntse le tseba hobane, ha se ka tse bolang, ha se ka silefera le ka khauta le lopolotseng mokhoeng . . . empa e le ka mali a bohlokoa a Krete, konyana e se nang letheba le sekoli.” Hona le papiso tse peli tsa bohlokoa mantsoeng ana: topollo le mah;labelo a liphoofofo.

Topollo e sebelisoa ka Bibeleng ka litsela tse 'maloa. Ka mohlala, esele ea matsibolo (e kekeng ea etsoa sehlabelo) le mora oa matsibolo (Exoda 34:19, 20) li ne li lopolloa ka konyana ea boemeli. Chelete e ka sebelisoa ho reka hape (lopolla) lintho tse rekisitsong ka baka la bofutsana (Lev. 25:25, 26). Ho bohlokoa ka ho fetisisa, lekhoba le ka lopolloa (Lev. 25:47–49). 1 Petrose e hlokomelisa babali hore theko ea ho ba reka (lopolla) ho tosa “mokhoeng oa lōna oa lefeela” (1 Pet. 1:18) e ne e se ho seng ka tlase ho “mali a bohlokoa a Krete, konyana e se nang letheba le sekoli” (1 Pet. 1:19). Papiso ea konyana, e qholotsa taba ea mahlabelo a liphoofofo.

Petrose ka hona o hokahanya lefu la Krete le la phoofofo ea sehlabelo Bibeleng ea se-Heberu. Moetsalibe o ne a tlisa nku e se nang sekoli Tabernakeleng. Ebe moetsalibe o beha letsoho la hae holima phoofofo (Lev. 4:32, 33). Phoofofo e ne e hlajoa, 'me mali a mang a eona a ne a tlotsoa aletareng; a mang a ne a tšelo aletareng (Lev. 4:34). Lefu la phoofofo ea sehlabelo le ne le fana ka “pheko” ho ea faneng ka sehlabelo (Lev. 4:35). Petrose o re Jesu o shoelle sebakeng sa rōna le hore lefu la hae le re pholositse mekhoeng ea rōna ea pele le kotlong eo e neng e le ea rōna.

Ke joang taba ea hore tšepo ea rona ea topollo e teng feela la lebaka la kotlo e entsoeng sebakeng sa rona e re rutang ka ho its'etleha ho feletseng ho Molimo?

Mahlomola a Kreste

Bakreste ha ngata ba bua ka “mahlomola a Kreste.” Lentsoe passion le tsoa sehlahosing sa se-Gerike se bolelang “ho ba mahlomoleng,” ’me polelo “mahlomola a Kreste” hangata e supa mahlomola ao Jesu a fetileng ho oona nakong ea ho qetela ea bophelo ba hae, ho qala ka ho kena ka tlhoho Jerusalema. Petrose, le eena, o lula sehlohong sa mahlomola a Jesu matsatsing ao a ho qetela.

Bala 1 Petrose 2:21–25 le Esaia 53:1–12. Ke eng eo li re bolellang eona ka moo Jesu a bileng mahlomoleng kateng bakeng sa rōna?

Ho na le bohlokoa bo itseng mahlomoleng a Jesu. O jere “libe tsa rōna ’meleng oa hae sefapanong [malebana le sefapano; bapisa le Liketso 5:30], hore re shoe ka ’nga ea libe, re tle re phelele ho loka” (1 Pet. 2:24). Sebe se tlisa lefu (Ba-Roma 5:12). Joalo ka baetsalibe, re lokela ho sho. emp, Jesu ea phethahetseng—eo thetso e sa kang ea fumanoa molomong oa hae (1 Pet. 2:22)—o shoete sebakeng sa rōna. Ka phapanyetsano eo, re na le morero oa topollo.

Bala Esaia 53:1–12 hape. Litemane li re Jesu o bile mahlomoleng a fe ha a sebetsana le morero oa topollo sebakeng sa rōna? Sena se re bolella eng ka semelo sa Molimo?

“Satane ka liteko tsa hae tse matla o robile pelo ea Jesu. Mopholosi o ne a sa bone ka paka tsa bitla. Tšepo ha e ea ka ea mo tlisetsa ho tsoa lebitleng e le mohloli, kapa ho mo bolella ka kamohelo ea sehlabelo sa ha eke Ntat’ae. O ne a tšaba hore sebe se ne se le sebe ho Molimo hoo karohano a bona e neng e tla ba ea ka ho sa feleng. Kreste a utloa bohloko boo moetsalibe a tla bo utloa ha mohau o tla bo koalletsoe moloko oa molato. E bile boemo ba sebe bo tlisitseng khalefo ea Ntate holima hae e le moemeli oa batho, se entseng hore senoelo seo a se noeleng e be se babang, ’me ea roba pelo ea Mora Molimo.”—Ellen G. White, *The Desire of Ages*, p. 753.

Karabelo ea rōna ho seo Kreste a re jaretseng sona e lokela ho ba joang? Ke joang re ka latelang mohlala oa hae, joalo ka ha 1 Petrose 1:21 e bolela?

Tsoho ea Jesu

Bala 1 Petrose 1:3, 4, 21; 3:21, Johanne 11:25, Ba-Filipi 3:10,11; Tšenolo 20:6. **Ke tšepo efe e kholo eo li e supang, 'me e bolela'ng ho rōna?**

Joalo ka ha re se bone, Petrose oa pele e ngoletsoe ba mahlomoleng ka lebaka la tumelo ea bona ho Jesu. Ho loketse haholo hore, e sa le qalong ea lengolo la hae Petrose o lebisa babali ba hae tšepong e ba emetseng. Joalo ka ha a bolela, tšepo ea Mokreste ke tšepo e phelang, haholo hobane ke tšepo e lutseng tsohong ea Jesu (1 Pet. 1:3). Ka lebaka la tsoho ea Jesu, Bakreste ba ka talima pele lefeng le leholimong le ke keng la bola kapa ho feta (1 Pet. 1:4). Ka mantsoe a mang, ha ho tsotellehe hore na lintho lib a mpe ha kae, nahana ka se re emetseng ha tsohle li fetile. Ruri, tsoho ea Jesu bafung ke tiisetso ea hore le rōna re ka tsosoa (1 Ba-Kor. 15:20, 21). Joalo ka ha Paulose a e beha, “Me ekare ha Krete a sa ka a tsoha, tumelo ea lōna ke lefeela, 'me le sa le libeng tsa lōna” (1 Ba-Kor. 15:17). Empa kaha Jesu o tsoisitsoe bafung, o bontšitse hore o na le matla a ho hlola lefu ka bo lona. Ka hona, tšepo ea Bokreste e fumana botsitso ketsahalong ea nalane ea tsoho ea Krete. Tsoho ea ha eke motheo oa ea rōna qetellong ea nako.

Re ka be re le kae kante ho tšepo le tšepiso eo? Sohle seo Krete a re etselitseng sona se fella tšepisong ea tsoho. Ka ntle ho seo, ke tšepo efe eo re nang le eona, haholo hobane rea tseba hore khahlanong le malumeli a tloaelehileng, bafu ha ba tsebe letho borokong ba lebitla? “Ho Mokreste lefu ke boroko, nakoana ea khutso le lefifi. Bophelo bo patoa le Krete ho Molimo, 'me ha Krete, eo e leng bophelo ba rōna, a tla hlaha, re tla hlaha le eena khanyeng.” Johanne 8:51, 52; Ba-Kol. 3:4. . . . Ho tlang ha hae la bobeli ba lokileng ba shoeleng bat la utloa lentsoe la hae, 'me ba tla tsohela khanya le ho se shoe.”—Ellen G. White, *The Desire of Ages*, lq. 787.

Nahana ka bonnete ba lefu ba hore ke qetello. E thata haholo, ha e na tšoarello, 'me e ka e tiile. Hoabeng, joale, tšepiso ea tsoho e le bohlokoa tumelong ea rōna le sohle seo re se lumelang le ho se tšepa?

Jesu Joalo ka Messia

Joalo ka ha re bone pejana, e 'ngoe ea linako tse mahlonoko tsa bosebeletsi ba Jesu ke ha karabelong ea potso ea hore na ke mang, Petrose a ileng a araba: “ ‘U Kreste, Mor’a Molimo o phelang’ ” (Matt. 16:16). Lentsoe Kreste (Christos ka se-Gerike) le bolela “motlotsua,” “Messia”; ka se-Heberu ke Mashiyach. Le tsoa motsong oa lentsoe o bolelang “ho tlotsa,” ’me le ile la sebelisoa libakeng tse ngata Testamenteng ea Khale. (le bile la sebelisoa hape sebakeng se seng ho supa morena oa mohetene, Cyruse [sheba Esa. 45:1].) Ka hona, ha Petrose a bitsa Jesu Kreste, o ne a sebelisa lentsoe le senolang se loketseng ho tsoa mangolong a se Heberu.

Bala litemana tse latelang ho tsoa Testamenteng ea Khale e sebelisang lentsoe Messia kapa motlotsua. Maemo a re ruta eng ka se boleloang? Ke joang Petrose a utloisang se boleloang ha a bitsa Jesu Messia?

Pes. 2:2 _____

Pes. 18:50 _____

Dan. 9:25 _____

1 Sam. 24:6 _____

Esa. 45:1 _____

Leha Petrose a ne a susumelitsoe ke Morena ho phatlatatsa Jesu e le Messia (Matt. 16:16, 17), ha ho tika-tiko hore o ne a sa utloisise hantle seo a se bolelang. O ne a sa utloisise hantle hore na Messia hantle ke mang, le seo a neng a tlo se phetha, ’me, mohlomong ha bohlokoa ka ho fetisisa, hore na se phethahatsa joang.

Ka hara kutloisiso e fokolang eo, Petrose o ne a se mong. Hone ho ena le mehopolo e mangata Israeleng ka Messia. Ka bo eona, tšebeliso ea lentsoe ea Messia kapa motlotsua litemaneng tse ka holimo ha e hlalise setšoantšo se phethahetseng, leha hole joalo li ka re fa seriti sa seo Messia a tla ba sona le ho se etsa.

Johanne 7:40 e senola tse ling tsa tse lebeletsoeng ka Messia: e tla ba setloholo sa Davida, ho tsoa teropong ea Bethlehema (Esa. 11:1–16, Mik. 5:2). Karolo eo ba ile ba e nepa. Ka pono e tloaelehileng, leha ho le joalo, Messia o tsoa lelokong la Davida o tla etsa seo Davida a se entseng: a hlole lira tsa ba-Juda. Seo ba neng ba sa se labella e ne e le Messia ea tla thakhisoa ke ma-Roma. Ka nako eo a ngolang epistole ea hae, Petrose haele hantle o ne a utloisisa Jesu e le Messia (o bitsoa Jesu Kreste makhetlo a 15 ho 1 le 2 Petrose) le seo a tla se fihlela bakeng sa batho.

Jesu, Messia oa Leholimo

Petrose o ne a sa tsebe feela hore Jesu ke Messia empa e ne e le Morena hape. Ke hore, ka nako ea li-epistole tseena, Petrose o ne a tseba hore Messia e ne e le Molimo ka sebele. Leha lentsoe “Morena” le ka ba le moelelo oa lefatše, lentsoe leo hape e ka ba sesupo se hlakileng sa bomolimo. Ho 1 Petrose 1:3 le 2 Petrose 1:8, 14, 16, Petrose o supa Jesu, Messia, Kreste, e le Morena, joalo ka Molimo ka sebele. Joalo ka lingoli tse ling tsa Testamente e Ncha, Petrose o hlalosa likamano lipakeng tsa Jesu le Molimo le mantsoe Ntate le Mora. Ka mohlala, “Ho bokoe Molimo, Ntat’a Morena oa rōna Jesu Kreste”(1 Pet. 1:3; bapisa 2 Pet. 1:17). Jesu o hlalosa e le Mora ea ratoang (2 Pet. 1:17), le matla a hae e le Morena, le maemo a hae a leholimo, li tsoa likamanong tse khethihileng tseo a nang le tsona le Molimo Ntate.

Bala 2 Petrose 1:1, Johanne 1:1, le Johanne 20:28. Li re bolella eng ka bomolimo ba Jesu?

2 Petrose 1:1 e re “Molimo le ’Moloki oa rōna, Jesu Kreste”. Se-Gerikeng sa mathomo, tumela e le ’ngoe e tobileng (e leng, “the”) e sebelisoa bobeli bakeng sa Molimo le ’Moloki. ‘Me sena se bolela hore bobeli “Molimo” le “’Moloki” li sebelisoa bakeng sa Jesu. 2 Petrose 1:1, joale, e ema e le e ’ngoe ea matšoa oa hlalikeleng Testamenteng e Ncha a bomolimo bo phethahetseng ba Jesu. Joalo ka ha Bakresteng ba pele ho bile thata ho utloisisa Jesu, hanyane ka hanyane ba beha bopaki ba Testamente e Ncha ’moho. Lingoliloeng tsa Petrose, Ntate, Mora, le Moea o Halalelang ba ikemetse (mohlala, Ntate/Mora: 1 Pet. 1:3, 2 Pet. 1:17; Moea o Halalelang: 1 Pet. 1:12, 2 Pet. 1:21), joalo ka ha bale hohle Testamenteng e Ncha. Empa, ka nako e tšoanang, Jesu o bonahatsoa e le Molimo ka ho phethahala, joalo ka Moea o Halalelang. Ka mora nako, ka mora puisano e ngata, kereke ea hlahisa thuto ea boraro bo bong ho hlalosa ka mokhoa o ka khonehang sephiri sa bomolimo. Masala a Baleti a kenya thuto ea borarong bo bong e le e ’ngoe ea lithuto tse 28 tsa motheo. Ka hona, re bona ho Petrose pono e hlakileng ea Jesu e se feela Messia empa Molimo ka bo oona.

Ha u nahana ka bophelo le lefu la Jesu ’me ebe u ela hloko hore e ne e le Molimo, see se u bolella eng ka mofuta oa Molimo oo re o sebeletsang le hore na ke hobaneng re lokela ho mo rata le ho mo tšepa, tlisa karabo ea hao sehlopheng ka Sabatha.

Ho Ithuta Haholoanyane:

“Ho bonahala ho etsa kelello ho qala ka ‘Messia,’ ka ha Bokreste bo nka lebitso ho tsoa se-Gerikeng Christos, ‘motlotsuoa.’ Lentsoe la se-Heberu le amanang le mopholosi eo Bajuda ba neng ba mo emetse hape eo e tla ba se sebelisoa sa Molimo ho etsa moloko o mocha oa sechaba sa Molimo. Bobeli mantsoe a se-Heberu le se-Gerike a tsoa motsong o bolelang ‘ho tlotsa.’ Ka ho totobala, ka ho mo bitsa ‘Kreste,’ lingoli tsa Testamente e Ncha ba nkile Jesu e le ea beheletsoeng ka thoko bakeng sa mosebetsi o khethehileng. “Boemo Christos bo hlaha makhethlo a fetang 500 ka Testamenteng e Ncha. Leha ho ne ho na le taba ea bo-Messia e fetang bonngoe hara ba phetseng nakong ea Jesu, ho hlokomelehile hore lekholong leo la pele la lilemo Bajuda ba ne ba sheba Messia e le motho ea nang le likamano tse khethehileng le Molimo. O tla tlisa qetello ea moloko oo, ha ’muso oa Molimo o tla be o theoa. Ke eena eo ka eena Molimo a tlang ho phunyeletsa nalaneng bakeng sa toolo ea sechaba sa hae. Jesu o amohetse ho bitsoa ‘Messia,’ empa o ne a sa khotaletse tšebeliso ea teng; hoba lentsoe leo le ne le na le moelelo oa lipolotiki o neng o etsa hore tšebeliso ea teng ebe thata. Leha a ne a le leqe ho itlahisa ka sebele sechabeng ho hlaosa thomo ea hae, Jesu ha a ka a khalema Petrose (Matt. 16:16, 17) leha e le mosali oa Mosamaria (John 4:25, 26) ka ho e sebelisa. O ne a itseba e le Messia, joalo ka ha ho bonoa tlalehong ea Mareka ka mantsoe a Jesu ka ho nea e monga a barutuoa ba hae mohope oa metsi ‘kaahhobane le le ba Kreste’ (Mareka 9:41).” — *The SDA Bible Commentary*, vol. 12, p. 165.

Lipotso tsa ho Qoqoa:

- 1. Bala Esaia 53:1–12. Ho ea ka litemana tseo, Jesu o re etselitse eng? Ngola fatše lintlha tseo a re etselitseng tsona. Ke ka litsela life re bona ka mokhoa o hlakileng litemaneng tsee moholopo oa Jesu e le moemeli oa rōna? Hobaneng re mo hloka e le moemeli oa rōna?**
- 2. Nalaneng kaofela, ba bang ba sebelisitse tšepiso ea Bible e ba bophelo ka mora lefu ho thusa ho boloka batho ba hateletsoe. E, bophelo ba hao bothata mona ha joale, empa tsepamisa mahlo ho seo Molimo a re tšepisitseng ha Jesu a khutla. Hobane ’nete e rutoang Lentsoeng la Molimo e sebelisitsoe hampe, ba bangata ba latola taba ea bophelo ka mora lefu; ho ena le hoo, ba bona e le mokhoa oa batho ba bang ho hatella ba bang. O ka arabela joang qoso eo?**
- 3. Ka sehlopheng, hlahloba karabo ea hao potsong ea Labone ka bomolimo ba Kreste le seo e re bolellang sona ka semelo sa Molimo. Hobaneng bomolimo ba hae le seo e se senolang ka Molimo e le litaba tse monate?**

